

寧晉縣志

卷之一

封域志

重修寧晉縣志序

天下之所以安者禮樂也  
國之所以永者文獻也家  
之所以傳者堂構也昔唐  
虞三代之時天子建中和

于上金聲而玉振之六典  
頒布四海國不易教家不  
殊俗何風之盛歟其時王  
者有王者之史諸侯有諸  
侯之史如易象春秋盡在

魯廷鳩雉扈農之學傳于  
邾子史蘇董狐之類可考  
而知也迨秦罷封建而置  
郡縣設博士文學掌故則  
諸侯之史泯滅無聞矣今

之志書蓋猶古史之遺也  
虞陶恒山郡爲巖邑夫其  
堯臺東蠹懷陶唐之風大  
陸漫衍緬神禹之蹟薄落  
名亭思武靈之畧漳波環

流觀九河之滙且土沃而地廣士勤誦習民務耕稼壯哉縣乎願自兵燹以後非復徃古之盛矣大約由于河伯不仁諸水泛溢隄

防潰決膏腴之田沒于洪波一望黃茅白菅此其所  
以稍減豐豫也江右靜園  
萬公下車以來清理賦役  
稽查戶口平其詞訟課其

農桑士子之貧者優恤之  
奸民之骯法者懲又之于  
是風俗丕變彬彬乎有禮  
讓淳厚之意焉一日念及  
志書久闕走書問序于余

其言日茲以寧志缺修百  
二十年近與學博紳士共  
謀修緝將告成帙捐貲付  
梓願得閣下一言增光簡  
弁庶藉鴻篇以傳不朽旣

竣乃賜覽余挑燈披讀觀  
其目則有六卷則有十曰  
封域曰建置曰賦役曰名  
賢曰人物曰藝文封域則  
上應星文下辨風土建置

則創制先後興廢增新名  
賢則官師士夫相助爲理  
人物則維風持世澤潤山  
輝藝文則周誥殷盤雕龍  
繡虎而且各附以論斟酌

捐益字字石畫長慮却願  
務爲經久之謀而不爲目  
前苟且之計其艸剗搜羅  
雖邑之紳士分理其事而  
刪定潤色惟公獨斷羣賢

莫能贊一詞昔司馬子長  
足跡遍天下與燕趙間豪  
俊交游故其文疏宕頗有  
奇氣作爲史記辨而不華  
質而不俚其文直其事核

不虛美不隱惡後人稱其  
有良史之才歐陽永叔作  
五代史國史稱其足以繼  
班固劉向又謂其筆力馳  
騁而無駁襍之說公之才

大而識朗學博而思深出  
其緒餘抒藻流芬宜其于  
寧志成之如此其速而無  
愧三長近紹廬陵遠追龍  
門無疑也以此而膺

特召讀蘭臺金匱之書發委  
宛娜嬛之秘冊府芸香汗  
青珥筆真足以光琬琰而  
垂來葉徵文考獻將在于  
斯寧但爲一邑不朽之言

而已哉故不揣卑鄙而序  
其首

賜進士出身

太子太傅保和殿大學士  
兼禮部尚書加一級前


太子太保內秘書院大學士吏部尚書都察院左都御史左副都御史提督四譯館太常寺少卿兵科都給事中工吏等

寧晉縣志

魏序

九

科左右給事中內翰林國史院庶吉士魏裔介頓首拜撰



重修寧晉縣志跋

寧晉于三十一城中稱僻壤輪蹄冠蓋鮮  
迂道焉以方輿計之不啻什一之于萬千  
尤彈丸黑子矣邑志闕焉弗修歷百二十  
餘年所蓋職斯土者傳舍視之故因循置  
之耳余家保陽距恒州不三百舍每一徒  
步中山泛覽形勝土人輒指其地曰此帝  
堯故都也則低徊久之聞策蹇深冀訪蕪

寧晉縣志

張跋

蕪麥飯諸遺跡田父野老猶能一一指畫  
口誦而悉數之益信千百載上下雖世遠  
人湮而流風餘韻未常不歷歷在人耳目  
間也及余領博士一席渡滹沱而南爲寧  
諸弟子員說經課藝復喟然嘆興曰斯固  
一文物之邦也而邑志闕焉弗修者如是  
其于文獻之義何居禹貢可以辨封域述  
土貢周官可以明規制春秋歷代史可以


考沿革紀盛衰核美惡况乎有薄落大陸之遺跡屢陶漚楊之故趾一按圖而稽之尤班班可攷也廣爲搜詢何難與茲墜典乎丁巳孟秋會邑侯萬公以江右名宿來尹茲土興賢育士喜以文章飾吏治余卽以是請曰以卓魯之慈父擅班馬之長材是役也公必無辭而侯方以勵精不暇閱二年巳未政治大成訟庭無事侯因筦

爾顧余而笑曰今可以從事矣集邑薦紳孝廉茂才諸君子館穀于芹宮選稽博採一一受裁于侯爲之訂証而附以論斷焉不三月而告竣不漏不繁不嚴不恕體裁允協可以補通志之缺是舉也前任張侯有志而未逮邑進士高君草已就而未梓而卒賴我侯以光復百有餘年之曠舉豈事之廢興固有時乎抑繫乎其人也

皆

康熙十八年己未嘉平月

寧晉縣教諭張坦拜撰



寧晉縣志

張跋

三

寧晉縣舊志序

自禹貢職方作而後世輿地圖經咸祖之  
今之志是也我朝有大明一統志而天下  
郡縣志咸祖之夫志古史之流也修之朝  
曰史修之郡縣曰志均所以稽典獻彰物  
軌信今而傳後也夫信今而傳後則志不  
可以無作也然政事有因革俗尚有淳澆  
財賦有登耗人物之英特者可以範俗官

寧晉縣志

舊序

常之卓異者可以風世文藝之純正者可  
以垂教以至天文地理之祥異變遷城池  
館署之沿革廢置可以博物而多識今昔  
異時增損殊勢則志不可以不增修也寧  
晉儒學師生增修縣志成邑侯連君屬予  
序其端予惟寧晉爲真定屬素稱富庶在  
畿內蓋名邑也舊志廢缺有志飭治者宜  
在所先而況中間人賢如先朝曹文忠公

文章道誼精忠大節得天地之正氣又如  
今蔡汝濱公忠誠俊偉敦義明道樂聖賢  
之事業載在志者可考誠可信而傳也志  
可不增修耶是宜連君下車未兩月而卽  
爲首務焉昔朱晦翁歷任江浙閩海所在  
以修志爲急蓋匪徒以資博洽飾文具備  
觀視已也夫子言夏殷禮而病杞宋文獻  
不足徵則今之志非所以備文獻以詔後

世無窮之徵者乎公之意猶晦翁也亦曰  
使後之觀是志者知某事利可興某事病  
可革某也賢俊可以作人景行某也貞節  
可以感發善心官是邑者覽之可以起治  
維風生斯土者覽之足以思齊善俗則所  
以美政事厚風教登財賦興人才培國家  
之元氣召天地之中和者未必不在於斯  
也然則修志之意其深且遠哉此公初政

也然公之爲志知公之慕古崇賢振起教  
大異日必有裨益治道追蹤古人政蹟之  
卓異可以任今傳後者後之志今安知不  
如今之志昔也公諱三顧山東樂安縣人  
輯斯志者教諭胡向訓導徐大經秦秉清  
同輯者邑之貢士鄭動監生牛瓊張世盛  
生員張九疇喬維翰劉聘韓陞也

嘉靖辛酉十月之望賜進士第文林郎廣

東道監察御史欒城遜齋陳九德序

道盜易竄匿難治二勢家大  
族調劑賦役維艱難治三然  
僻無衝疲一易治其小人習  
於力作無僥悍二易治科名  
人文甲真屬其君子敬上而  
奉公三易治卽其易以去其

難是在令之求寧觀成而已  
予唯唯受教退甫下車卽首  
諏邑志以求悉難易情形見  
白明侍御蔡浚濱先生修後  
缺焉弗載者百二十餘年矣  
先是歲被兵人異意旣不克